



Tužilaštvo traži pritvor za uhapšene u akciji "Lavina"


Uzdrмали bankarski sektor BiH!

Najveći gubitnici Agencija za osiguranje depozita BiH, fondovi kojim upravlja IRB RS...

Tužilaštvo BiH na sinočnjem ročištu podnijelo je Sudu BiH zahtjev za određivanje pritvora svim osobama uhapšenim u akciji „Lavina“. Odluku o zahtjevu Sud BiH donijet će u zakonskom roku od 24 sata.

Među uhapšenima su direktorica Agencije za bankarstvo RS Slavica Injac i direktorica Investiciono-razvojne banke (IRB) RS Snežana Vujnić. One su osumnjičene da su omogućile pljačku i propast „Bobar banke“, čime je nanesena šteta od 122 miliona KM.

Tužilac Posebnog odjela za organizirani kriminal, osim za njih, zatražio je pritvor i za Petra Cacanovića, Anu Mirosavljević, Sonju Kurtumu, Sašu Tomića, Batrića Đurišića, Zdravka Dubova i Igora Prodanovića. Iz Tužilaštva BiH saopćili su da se istraga, kojom su obuh-



Bobar banka“: Nastavljena istraga o nezakonitostima

vaćen 24 osobe, nastavlja i da će optužnica uskoro biti podignuta. Oni su osumnjičeni za nezakonitosti kojima je prouzrokovana šteta od 122 miliona KM te pribavljena nezakonita korist od najmanje 115 miliona KM i ozbiljno uzdrman bankarski sistem u BiH.

Agencija za osiguranje depozita BiH oštećena je za 56,7 miliona KM, koji su morali biti isplaćeni za depozite do

50.000 KM. Među najoštetćenijima su i fondovi kojima upravlja IRB RS. U ovim fondovima ostalo je zarobljeno 13,6 miliona KM po osnovu depozita, 2,3 miliona KM po osnovu akcija i 31,5 miliona po osnovu zajma. „Elektroprivredi RS“ i zavisnim preduzećima iz ovog sistema propao je 8,1 milion po osnovu depozita, dok je „Elektropri-

vreda HZHB“ izgubila po istom osnovu pet miliona KM.

Garantni fond RS izgubio je 5,5 miliona, Grad Trebinje 5,2 miliona, Fond zdravstvenog osiguranja Distrikta Brčko 14,7 miliona, a Vlada Distrikta 2,5 miliona maraka. „Hercegovačka banka“ u likvidaciji ostala je bez 4,7 miliona, Javni fond za dječiju zaštitu RS 2,1 miliona, Zavod za zapošljavanje RS 12,3 miliona, „Lutrija RS“ dva miliona KM.

I Vlada RS pretrpjela je veliku štetu, jer je Ministarstvo finansija i trezora izgubilo 9,5 miliona, a Ministarstvo poljoprivrede šumarstva i vodoprivrede dva miliona KM. U Investiciono-razvojnoj banci RS jučer su saopćili da ova ustanova radi normalno nakon akcije Agencije za istrage i zaštite BiH tokom koje je uhapšena direktorica. **G.DAKIĆ**